

(清)丁立中編
清光緒二十五年刻本

先考松生府君年譜

第五冊目錄

先考松生府君年譜四卷		一
張文襄公年譜十卷		二五九
汪穰年先生年譜一卷		五五五

先考松生府君年譜第一

宜堂類編十八

愚姪嘉興朱文懋拜填諱

府君姓丁諱丙字嘉魚號松生又號松存浙江錢塘
縣人系出明處士際龍公世居山陰之福巖村五傳
至瑞南公諱天相者爲府君五世祖當明魯藩監國
越中 天兵討之士匪乘間掠村落妣周氏投水盡
節事載省志瑞南公遂遷家於杭後以孫可學公官
州司馬 封承德郎是爲遷杭始祖又三傳至躍舟
公諱大容 授徵仕郎 純廟南巡迎 駕 賞緞
疋妣氏徐氏汪均 封孺人是爲府君之高祖考妣

躍舟公生曾祖敬輿公諱軾 封中憲大夫錢邑庠
生妣氏魏氏吳均 封恭人是爲府君之曾祖考妣
敬輿公生掌六公諱國典 封中憲大夫布政司理
問銜太學生妣繼妣皆氏陳 封恭人是爲府君之
祖考妣掌六公生華公及洛耆公諱英泣堂公諱莊
洛耆公以捐輸議敘道銜候選同知太學生 封中
憲大夫妣氏姚 封恭人是爲府君之考妣洛耆公
生伯父竹舟公諱申次府君又次適李氏姑母
道光十二年壬辰府君一歲

七月二十日卯時府君生於杭城麒麟街舊居

府君
嘗曰

余生後先妣躬自乳育受秋熱患病甚久至今思之
欲報之德眞罔極也龔麟街舊居爲龐炳如公諱蔚
章祖居炳如公娶於姚與先祖爲僚壻故賃其屋聯
依以居者十年姚孺人淑慎溫恭事舅姑嫁兩女操
持不紊暇則吟哦抒寫幽抱府君自幼承其撫抱愛護
彌篤刻不忍忘

十三年癸巳二歲

是歲府君始能言

其時仍依龐氏居見姚孺人卽呼以假母姚孺人異之諸長上卽稔

凡其不

十四年甲午三歲

是歲先祖迎養陳舅祖母姚孺人於家

府君陳氏家譜序云丙先

祖掌六公元配陳太恭人爲春叔表叔之伯祖安伯
公諱脩已所出安伯公有弟願音公諱脩可乾隆己
酉舉人秉鐸歸安實表叔之祖先君子洛耆公雖出
自繼祖妣陳太恭人而追念外家未嘗歧視幼卽從

舅氏晚香先生讀書先生以嘉慶丙子舉人爲武康訓導歿於任嘗維持其後人又以舅氏栗堂先生早世迎養舅母姚孀人於家先母奉之如姑而孺人尤厚於丙保抱提攜慈愛備至表叔與其兄和伯先生嘗偕先君遊山左歲晚過歸朝夕過從丙侍聽緒論娓娓不倦

十五年乙未四歲

是歲先祖妣始教府君識字

識周興嗣千文日八字一經過目不復遺忘

十六年丙申五歲

是歲先祖妣教府君誦小學詩

凡鄉塾通行本神童千家諸詩一經成誦

音韻琅然恆以千家詩有標題有撰人而神童詩無有爲問識者知府君長必勤於學

十七年丁酉六歲

四月先祖安葬曾祖繼妣陳太恭人於張家園

府君婦墓

記道光丁酉先君葬我先繼祖妣陳太恭人於西溪丙方六歲竹舟兄九歲得隨蒲伏送葬

十二月從錢菊人先生授讀

府君追憶錢夫子詩註云師諱光泰字菊人杭

郡生僑寓明州館吾鄉黃氏伯兄先受業焉小子入學之日師喜程課早畢賞棗栗餅餌以獎之翌日師即感疾歸歿於家

師弟僅一日之緣

十八年戊戌七歲

正月從鄭晝人先生讀書於藩封橋秦氏

杭郡詩三輯鄭煜字

晝人仁利人有執玉堂集以學行著於鄉下筆爲文具有家數尤精音韻之學里居教授奉九十老母承顏爲孺子容庚申之變所居在張紗街賊寡未被擾明年城再破自縊

閏四月民間謠言飛土府君有文記之

記云幼時民間訛言飛土

過度犯之不祥先君禁余出門時在閏四月廿四日亥時日躔胃土度填星躔氐土度日加未闔城閉戶

路絕行人守土官徹
夜巡警至曉方止

六月初九日姑母蓮君生是月府君寓文星巷許氏
許氏爲高黃公之內家高黃公諱祺字謹堂與先祖
交最契鄰居甚邇故敦通家之誼焉是年大熱適先
祖妣分婉乏人護持許孺人因挈府
君歸母家鍾愛甚至七月中旬始歸
十九年己亥八歲

是年仍附學秦氏讀書
上年以避熱故入寓許氏
設課業至是始習四子書

二十年庚子九歲

是年讀書張紗街鄭先生家
時甯波有海警秦氏他
徙先伯父竹舟公與府

君負笈鄭先生家距
家里許朝夕赴學

五月祖考患目疾至九月方痊
府君日侍左右扶持
傳話至痊復就學

二十一年辛丑十歲

是年仍讀書張紗街鄭先生家

府君嘗言正旦至鄭師家拜賀有苗兵過

境於孩兒巷觀之俗傳其兵不戢攘生魚肉食者妄也

二十二年壬寅十一歲

正月受業於楊粉園先生

就龐氏醉經書屋課先伯父暨府君讀同塾者爲姚

益齋舅祖龐也成姻丈

四月始學試帖詩

宜堂日記余初爲詩時題爲雨絲得句云有雨飄來細其濛宛若絲

粉園師改其濛作因風

六月朔日食祖考妣命府君齋

府君嘗曰是日日食甚晝晦先君命合家

茹素去年元旦日食府君憂甚遂茹素終身

竹竿巷火先祖集資振之

府君記云火自竹竿巷至孩兒巷止延燒民居千餘

家兩晝夜始熄梁文莊舊第亦燬寒家相距不遠見被災者困苦不堪先君集資約業箔者親爲分給

八月遷居皮市巷

宜堂小記屋本許氏產先君購而葺之中爲正修堂南向三楹其西

爲梅溪書屋亦南向三楹上爲聽香樓

二十三年癸卯十二歲

是歲讀書聽香樓

一時如仁和姚雨甘受和吳西園國元孫雋卿曰鎬暨潘鏡湖李小

白吳青士方桐軒諸丈先後來從汾園先生遊過從者金述之龐也成諸丈

九月六和塔燬府君有文記之

記云二十三日杭州開化寺燃塔燈燈火

延燎至次日方熄相傳杭城象舟形塔乃船首樁柱樁壞而舟難維繫時撫軍汶上劉玉坡中丞議修未果後擢閩督尚寓書先外舅凌達夫先生拳拳此塔癸卯以往杭城日漸蕭索不二十年粵寇難作舟樁

之說似非無因乙未秋朱茗至姻丈有修塘之議府君勸其兼修塔以保塘議遂決

二十四年甲辰十三歲

八月始學爲文府君於上年已知爲文至是粉園先生教之舉業

二十五年乙巳十四歲

正月聘先妣沈太宜人錢塘貢生諱文緯公長女

二十六年丙午十五歲

二月學爲古今體詩府君嘗曰余十五歲學爲古今體詩時諤卿伯手樊邨詩選見

示謂經史之映議論精卓就詩論詩亦老筆紛披可學

三月侍諤卿族祖至紹興祭祖墓伯祖纂修譜牒命

府君恭錄諤卿伯祖諱士元字辛臣道光乙巳進士爲學務求根柢喜辨經史疑義按先伯父

竹舟公撰先祖述云堂伯十上春官甲辰大挑得
二等將終老焉歲乙巳來商進止先君助資斧贊其
行遂以是科成進士入翰林先君因語堂伯曰越中
先世塚墓歲久當修又福巖蠶豆橋殉節處舊碑毀
裂當復樹茲二事弟不敢辭若修譜牒敬俟兄矣因
是往返越中諮詢考訂越歲墓封碑立譜系秩然堂
伯旋改駕部主事二十八年卒於京師仁錢
會館先君爲經紀其喪慰其老母并恤幼弱
十月先祖修河塔山墓命府君隨族人監工曾文正
墓表錢塘丁士元圖其五世祖妣烈婦周安人之墓
道而告曰士元之五世祖妣實以順治三年我大清
百載矣請爲文揚之墓其語曰順治三年我大清
兵下紹興土賊乘間四出焚掠烈婦挈二子奔竄賊
數窺之以烈婦度終不得脫乃以二子付族屬之老成
者曰以累若襁歸兒父吾不可以爲賊辱遂自投水賊
追救之不効凡三溺乃絕年二十有三瑞南在杭聞
難奔馬三日矣尸不腐蟲蚋不集其卒以六月四日
方盛暑瑞南悼其妻義死又痛土賊獸心日孰不可
居又奚爲於此遂占籍杭州烈婦所挈之二子長曰

兆晉次日兆茂至是
兆晉始爲錢塘人矣

二十七年丁未十六歲

二月重立五世祖妣周太安人旌節碑周太安人盡

後人立碑表其處歲久石斷僅存烈婦丁周氏山陰

縣儒學教諭口口口訓導口口四年八月凡十八序

石長一尺三寸先祖命府君重立碑以表之文曰

欽旌烈婦丁周氏盡節處以斷碑嵌祠壁光緒甲申

吳伯滔丈吳仲英丈
爲繪兩圖用彰先烈

五月愚溼熱證瀕危至七月方愈時延任醫
星伯診治

八月二十九日先妣沈太宜人卒於外家府君有感
逝詩記之

二十八年戊申十七歲

是年始應童子試宜堂小記余自丁未夏病後文思
漸進至次年隨兄赴縣試未冠文

題爲釋之爲貴說而不釋出案倖列三十一名蓋朱冠之首也院試文題爲文有餘布其次題詩題均不能記憶矣

二十九年己酉十八歲

二月始結集益齋詩文社府君倡吟會於城北小天

前後凡五十餘人與府君朝夕過從者夏文子松吳丈小愚蔡文午寅譚文仲脩吳丈積甫高文子容高

丈茶

四月設天后宮粥廠

宜堂小記已酉浙西水災低鄉被潦貧民避城中困苦萬狀先

君急設粥廠以濟之應用什物皆猝辦日不足繼以夜余兄弟嘗通宵不寐監視煮粥次晨親爲散給至次年歲登乃已復輸巨款以給老弱之艱於行者災後死亡載道施棺局費竭將輟先君力助之使不廢巡撫吳文節公嘉先君義行書贈任卹可風揭

三十年庚戌十九歲

四月遷居保信巷

即今頭髮巷按成化杭州府志嘉靖仁和縣志俱稱保信巷姚氏西

湖志稱保信巷一名保甯巷南通回回墳中班街並無頭髮巷名僅見於杭郡詩續輯王石交先生傳似乾隆間始有此名府君聞之里中故老云是地近大為徐氏外高祖家舊為徐氏外高祖家舊居先祖購而新之

五月應童子試不售

院試文題為畫字

六月初五日從兄立誠生

是為先伯父竹舟公長子字脩甫號慕清

十二月二十二日先繼妣凌太宜人來歸

太宜人諱祖媛字荳

沅同邑人外王父諱詠光祿寺署正外王母朱宜人諱署正公生二女一子長為先伯母次即太宜人也生而穎悟性又至孝年二十來歸府君事先祖考妣能得懼心御僕媼勿加辭色督理家政井然不紊

咸豐元年辛亥二十歲

正月侍叔祖泣堂公泛舟西湖

宜堂小記辛亥正月人日先叔父泣堂公

假歸里門乘輿偕高茶龕及余兄弟泛舟南屏泊滴

園園中奉月下老人象一時求功名婚姻者多詣之

神龕聯云神仙眷屬文字因緣又云朱衣點頭赤繩

繫足其籤集四書經傳詩詞歌曲拉雜不倫而靈應

如嚮是日茶龕與兄皆得後生可畏焉知來者之不

如今也籤並於年入泮余得籤云越翼日戊午乃

社於新邑牛一羊一是年亥而獨缺豕知不利後於

甲寅獲售已越一歲試且謁學之日適逢戊午可謂

奇驗

五月取侑生

受知於吳縣吳晴舫宗師文題爲不在其位不謀其政兩節詩題爲前山後山

雨浪

十月葬采生族祖於張家園

族祖諱寶芝道光己丑歲貢候選訓導儀表豐